

Romandiola.

Regio.
Vnde dicta.
Situs.

Soli fertilitas.

Urbes.

Quarta & postrema Lombardiæ Tabula *Romandiola*, *Ducatum Parmensem*, & *Mantua* repræsentat. Primo loco occurrit *Romandiola* vel *Romanula*, sic dicta hodie, Caroli Magni Imperatoris & Romani Pontificis beneficio atque auspiciis. *Romanula* Limites ex communi sententia ad Septentrionem quidem Paludes Veronenses & Patavinæ, usque ad Fornaces, Ostium Padi ultimum, una cum parte Maris Hadriatici: ad Orientem Isaurus, una cum Piceno; ad Meridiem Apenninus, cum *Eruria*; In Occidentali variatur. Quidam ultra *Vatrinum* fluminis Forum *Cornelii* non procedunt: transiliunt nonnulli *Scultennam*, nunc *Panarium*, in eo plerique, sistunt. Hos sequemur, Longitudinem ejus ex milliar. aut circiter, posituri inter *Foliam* & *Panarium*: Latitudinem *xvii* milliar. vel paullo minus, inter *Apenninum*, & quarum memini, Paludes. Quod ad Regionis qualitatem, agros habere optimos scribit *Leander*, omniumque frugum, tam quæ ad vitam necessariæ, quam quæ ad humanas voluptates opportuna & delicias, fertiles. Campi hic latissimi, fructiferis Arboribus omne genus consiti: Colles peramani, Vitibus, Olea, Ficu nitentes. Silvæ munificæ herbidaque prata cum dumis venationi apta: salubres passim aquæ: Salinæ cum circa litus, tum intus frequentes: Metallorum fodinæ: innumeræque præterea Naturæ doctores eximie: quæ nisi longissima narratione, commemorari haud possent. Urbes sunt in hac Regione aliquot celebres & complura Opida. Primariæ sunt *Ariminum* Ptol. & aliis, hodie *Rimini* incolis: *Rumelen*. Germanis. Nomen illi ab Amne, quo adluitur. Alii aliunde trahunt, Rerum omnium copia supra modum abundat. Portus olim amplius, splendidus satisque capax: hodie modicis navigiis tantum est aptus, arenis oppletus. *Cervia* urbs maritimi olim *Phycoles* dicta. *Cerviani* majori ex parte salarii sunt Artifices, tanto quæstu, ut Pontifex annuatim inde habeat *Lx* millia *Coronatorum*. *Cesena*, *Casana* Ptol. *Cesena* Strab. hodie plerisque *Cesena*, aliis *Cesnadigo*, tertiis denique *Cesna*. Hodie Civitas est admodum frequens: annis superioribus a Bernardino Rubrio Parmensi, qua Occidentem Septentrionemque spectat, aucta. Arx urbi ex colle, qua Auster est valida imminet, a Friderico II. Imp. condita. *Sarsina* urbs antiqua ad Apennini radices: Plauti Patria: nomen hodie retinet. *Ravenna*, *P'αβέννα* Strab. cui & *P'αβέννα*: *P'αβέννα* Ptol. Antiquam Civitatem testantur omnes. De Situ multa Str. lib. v: Urbs Archiepiscopalis. Subsunt huic Archiepiscopo *Adriensis*, *Comaclensis*, *Cervienis*, *Forolivienis*, *Foropompiliensis*, *Vellimenis*, *Fille forte*, *Cesenatensis*, *Sargenensis* vel *Sarsinatensis*, *Faventinus*, *Imolensis*, *Mutinensis*, *Bononiensis*, *Reginensis*, *Parmensis*, & *Barcinensis*.
Pasuac